

FRÉTTABRÉF VEIÐIFÉLAGS JÖKLUSÁR

Pistill formanns

Starfsemi veiðifélagsins síðasta árið hefur verið svipuð og vanalega. Félagið stóð fyrir tiltektardegi 26. júní sem lauk með grilli í Hálsakoti. Í ár verður tiltekt laugardaginn 9. júlí, enda mikilvægt að hafa umhverfi árinna snyrtilegt og huga að merkingum, veiðislóðum og -stígum. Félagið nýtur krafta vinnuflokks Landsvirkjunar hvert ár en það er mikilvægt að við landeigendur hugum að aðgengi og umhverfi í okkar landi.

Á aðalfundi 2021 var samþykkt að innheimta leigugjald fyrir bæði 2020 og 2021, í samræmi við samninga við leigutaka, og greiða út 60% af þeim í arð vegna þessara tveggja ára. Tafir urðu á þessum arðgreiðslum en þær voru þó greiddar út til veiðiréttarhafa fyrir síðasta aðalfund.



Breski veiðimaðurinn Niall Morrisson með fyrsta lax sumarsins 2022 úr Jöklu sem hann fékk á hitch í Hólaflúð á opnunarmorgni 27. júní. Ljós. Þröstur Elliðason.

Stjórnarmenn samþykktu á síðasta stjórnarfundinum fyrir aðalfund að halda þeirri hefð að ákveða hlutfall af leigutekjum til arðgreiðslu á aðalfundi yfirstandandi árs og greiða út á því ári. Það þýðir að á árinu 2022 verða færðar greiðslur vegna 2021 og 2022 og sendir launamiðar fyrir því vegna ársins 2022. Leigugreiðslur munu tvöfaldast í samræmi við samning og því var samþykkt á aðalfundi að hækka arðgreiðslur í 70% af þeim.

Sumarin 2021 var ágætt veiðisumar miðað við aðstæður. Bókanir voru þokkalegar og komu bæði innlendir og erlendir veiðimenn og nutu veiði og veðurbliðu sem var á stundum full mikil til laxveiða. Alls veiddust rúmlega 540 laxar á veiðisvæðinu og þar af voru aðeins um 39 úr þverám, en restin úr Jökulsánni sjálfri. Laxá og Kaldá voru vatnslitlar og veiðin eftir því. Silungsveiði var svipuð og árið á undan. Yfirfallið kom 24. ágúst og varð meira en nokkru sinni fyrr, fór yfir 500 rúmmetra, og gæti hafa haft áhrif á seiðabúskap. Hólaflúð og Húsármót voru aflahæstu veiðistaðir og óvenjugóð veiði var á Jöklu 2. Stærð fiska var með ágætum en samt veiddist aðeins einn „hundraðkall“. Dræm veiði var á neðsta svæði, þ.e. neðan við brú kringum Laxá og Fossá. Um 55 þúsund eins árs seiðum var sleppt í Jöklu árið 2021 og 36 þúsund gönguseiðum í þverár.

Árið 2022 verða breytingar á veiðisvæðum að ósk leigutaka og verður Jökla ásamt Laxá og Kaldá eitt veiðisvæði frá Tregluhyl og niður að Skipalág, með 6-8 stöngum sem gæti fjölgað í 12 á næsta ári. Neðsti hluti árinna verður seldur með Fögruhlíðará fram að yfirfalli í þeirri von að meiri veiðireynsla skapist á svæðinu neðan Skipalágar. Leigutaki hefur staðið í stórförum við Hálsakot til að bæta aðstöðuna síðustu mánuði.

Ég vil að lokum þakka stjórn, veiðiréttarhöfum, leigutaka sem og öðrum fyrir gott samstarf á árinu og fyrir traustið að vera endurkjörinn formaður. Spannandi veiðiár er framundan með breyttu fyrirkomulagi á skiptingu veiðisvæða og betri aðstöðu í Hálsakoti fyrir veiðimenn.

Þorvaldur P. Hjarðar, formaður stjórnar

Frá aðalfundi veiðifélagsins 2022

Aðalfundur Veiðifélags Jökulsár á Dal fyrir árið 2022 var haldinn á Skjöldólfsstöðum 23. apríl. Aðalfundinn sóttu um tuttugu manns að gestum meðtöldum. Fundarmenn fóru með atkvæðisrétt 35 veiðiréttarhafa af 74 og þar af voru skrifleg umboð 22.

Helstu niðurstöðutölur ársreiknings 2021:

Tekjur	3.038.436 kr.
Gjöld	1.161.687 kr.
<u>Fjármagnsliðir</u>	<u>-57 kr.</u>
Rekstrarafgangur	2.376.806 kr.
Eigið fé í árslok	4.967.334 kr.

Arðgreiðslur vegna áranna 2020 og 2021 námu 60% af leigutekjum. Á aðalfundinum var samþykkt að hækka arðgreiðslur í 70% af

leigutekjum árið 2022 þar sem leigutekjur tvöfaldast milli ára í samræmi við samning.

Kosið var um sæti formanns í stjórn. Þorvaldur P. Hjarðar gaf kost á sér til endurkjörs og önnur framboð voru engin. Varamenn til eins árs voru endurkosnir: Agnar Benediktsson (1.), Þorsteinn P. Gústafsson (2.) og Stefanía Karlsdóttir (3.). Engar breytingar urðu á nefndaskipan né skoðunarmönnum.

Meðal gesta aðalfundar voru fulltrúar frá Veiðifélagi Hofsár sem deildu langri reynslu af rekstri og ræktun einnar frægustu laxveiðiáa landsins.

Fundargerð aðalfundarins og ársreikning er hægt að skoða og sækja á heimasíðu félagsins, www.jokla.org.

Laxveiðin og seiðasleppingar 2006-2021

Ár	Laxveiði Jökla	Laxveiði Laxá	Laxveiði Kaldá	Laxveiði Fögrh.á	Laxveiði Alls	Fjöldi gönguseiða	Sumaralín smáseiði	1 árs smáseiði
2006					0	4.000		
2007	12	15	75	20	122	40.000		
2008	56	48	59	22	185	41.000	7.000	
2009	35	128	93	63	319	42.700	42.000	
2010	96	91	118	44	349	67.000	25.550	35.000
2011	293	83	131	58	565	55.800	27.050	6.600
2012	177	40	121	49	387	66.100		22.500
2013	282	48	55	26	411	68.000		38.000
2014	186	36	50	34	306	69.500	44.000	21.000
2015	605	61	65	85	816	26.000	23.500	41.600
2016	372	30	82	100	584	33.650		49.000
2017	250	29	37	34	350	28.200	52.400	61.050
2018	410	73	31	14	528	23.000		105.600
2019	311	54	16	13	394	27.000		93.000
2020	824	23	13	10	870	24.000		51.200
2021	504	19	12	8	543	36.500		55.235
Alls	4413	778	958	580	6729	652.450	221.500	579.785

Styrkveitingar

Veiðifélagið fær 1.000.000 kr. styrk úr Fiskræktarsjóði í ár til að bæta aðgengi og laga farveg. Hámarksupphæð sem hægt er að sækja um í slóðagerð eða aðrar umbætur er 200.000 kr. en hærri fjárhæð verður veitt til sértækra verkefna. Þeir sem hyggja á framkvæmdir eru beðnir um að fylla út þar að lútandi eyðublað sem er á www.jokla.org og senda til Höllu gjaldkera. Mikilvægt er að sótt sé um styrki áður en farið er í framkvæmdir. Hægt er að sækja um styrki fram til 20. ágúst. Stjórn mun taka umsóknir fyrir jafnóðum og þær berast og hafa til hliðsjónar forgangslista sem unninn er í samráði við leigutaka. Eftirfarandi verklagsreglur gilda:

1. **Hverjir geta sótt um styrk?** Veiðiréttarhafar við Jökulsá á Dal geta sótt um styrki til félagsins til að bæta aðgengi að veiðistöðum fyrir sínu landi.
2. **Hvað er styrkt?** Styrkir eru veittir til slóða- og stígagerðar auk merkinga. Mótframlag skal vera a.m.k. 50% af kostnaði og getur m.a. verið í formi vinnu manna og véla. Hafa skal samráð við stjórn félagsins og leigutaka um framkvæmdir.
3. **Hvernig er sótt um?** Sótt er um styrk á eyðublaði sem hægt er að sækja á jokla.org. Á því er framkvæmd lýst og sett fram

kostnaðaráætlun. Umsókn þarf að berast stjórn áður en ráðist er í framkvæmdir því að komið getur til forgangsroðunar vegna takmarkaðs fjármagns.

4. **Hversu háir eru styrkir?** Fjárhæð styrkja getur verið breytileg milli ára og ákveður stjórn hámarksupphæð að vori og setur tímafrest fyrir umsóknir.
5. **Hvernig er greitt?** Greitt er eftir að framkvæmd er lokið. Skila þarf inn afritum af tímaskýrslum og reikningum sem sýna útlagðan kostnað og mótframlög ásamt stuttri skýrslu. Nálgast má eyðublað til skýrslugerðar á jokla.org.

Eitt svæði - 8 stangir

Leigutaki hefur undanfarið ár unnið að stækkun og úrbótum á aðstöðu veiðimanna og starfsmanna í Hálsakoti. Markmiðið er að fjölga hægt og þétt stöngum og auka þjónustu. Uppskipting árinna í veiðisvæði breytist í ár þannig að Jökla verður eitt veiðisvæði frá Tregluhyl við Hákonarstaði og niður að Skipalág við Hallgeirsstaði, ásamt Laxá og Kaldá. Leyfðar verð 6-8 stangir en þeim gæti fjölgað á næsta ári. Þegar yfirfall dettur á síðsumars bætist Fögruhlíðará við veiðisvæðið. En fram að því eru Fögruhlíðará og neðsti hluti Jöklu, neðan Skipalágar, annað veiðisvæði sem selt er sérstaklega.



Ódýr veiðileyfi fyrir veiðiréttarhafa

Í leigusamningi veiðifélagsins við Strengi er ákvæði um það að veiðiréttarhafar skuli eiga þess kost að kaupa veiðileyfi á verði sem nemur að hámarki 10% af markaðsverði. Leigutaka er heimilt að setja þá takmörkun á þessi leyfi að þau séu ekki seld með meira en 3ja daga fyrirvara og fjöldi stangardaga fyrir veiðiréttarhafa sem fara með eitt atkvæði sé ekki meira en 4 stangardagar. Stjórn félagsins hvetur menn til að nýta sér þetta, ekki síst til að kveikja áhuga yngri kynslóða á stangveiði. Áhugasamir snúa sér til Guðmundar veiðivarðar (s. 895-1677).

Stjórn og nefndir Veidifélags Jöklu

Stjórn:

Þorvaldur P. Hjarðar, Hjarðarhaga
formaður. hjarðar@simnet.is
s. 866-3237

Skúli Björn Gunnarsson, Litla-
Bakka, ritari. skulibg@simnet.is
s. 860-2985

Halla Eiríksdóttir, Hákonarst. 3,
gjaldkeri. hallahakonar@gmail.com
s. 865-0026

Lárus Brynjar Dvalinsson,
Vörðubrún. lallid@live.com
s. 860-2162

Gestur Hallgrímsson, Blöndubakka
blondub@simnet.is
s. 895-8929

Varamenn:

Agnar Benediktsson, Hvanná II
Þorsteinn P. Gústafss., Geirast. 2
Stefanía Karlsdóttir, Grund

Skoðunarmenn:

Sólrún Hauksdóttir
Ragnar Antonsson
Benedikt Arnórsson, til vara

Kjörbréfanefnd:

Benedikt Ólason, Gauksstöðum
Hallgrímur Þórhallsson, Skriðukl.
Þorsteinn P. Gústafss., Geirast. 2
Varamenn:

Benedikt Arnórsson, Hofteigi
Bragi St. Björgvinsson, Eiríksst.

Ritstjóri og ábyrgðarmaður
fréttabréfs og vefs: Skúli Björn.

MUNUM að rúllubaggaplast
er bæði skaðlegt náttúrunni
og ímynd veiðiár. **RÆKTUM**
ána okkar líka með góðri
umgengni og hirðusemi!

Fréttir úr starfi félagsins

Tiltekt og samvera laugardaginn 9. júlí

Stjórn veiðifélagsins hefur í samráði við leigutaka ákveðið að hafa tiltekt og grillsamveru laugardaginn 9. júlí. Veiðiréttarhafar eru hvattir til að nýta daginn til þess að huga að aðgengi veiðimanna á jörðum sínum og hreinsa rusl við ána þannig að Jökla sé öllum til sóma.

Kl. 10. Þeir sem hafa tök á mæta við Brúarás þar sem skipt verður liði til að fara að sem flestum veiðistöðum og athuga með merkingar og veiðistíga. Æskilegt að hafa meðferðis verkfæri til að laga stíga og gott að hafa kerrur og poka fyrir rusl. Þorvaldur stýrir aðgerðum.

Kl. 15. Samvera og snarl við veiðihúsið í Hálsakoti. Síðan verður haldið áfram að hreinsa og laga ef þarf.



Veiðileiðsögn

Eitt af því sem færir fjölskyldum við veiðiár tekjur er veiðileiðsögn sem er vel borguð sumarvinna. Þeim sem hafa áhuga á að kynna sér veiðileiðsögn er bent á að tala við Guðmund veiðivörð til að fá að fylgjast með vönum leiðsögumönnum að störfum í sumar.



Vöntun á upplýsingum vegna arðgreiðslna

Uppsafnaður arður er geymdur á safnreikningi veiðifélagsins þar til rétthafi geri grein fyrir sér og skilar inn viðeigandi gögnum. Það skal áréttað að þar sem jarðir eru skráðar í eigu tveggja eða fleiri einstaklinga þarf að liggja fyrir skjal um hvernig arðgreiðslum skuli háttáð og það undirritað af öllum landeigendum. Þetta á líka við um hjón og sambýlisfólk því að félagið þarf að standa skil á upplýsingum um arðgreiðslur til skattyfirvalda. Hægt er að sækja viðeigandi eyðublað á heimasíðu félagsins.



Heimasíðan www.jokla.org

Vefslóð veiðifélagsins www.jokla.org. Þar eru gögn aðgengileg og miðlað upplýsingum um starfsemi félagsins, rannsóknir og veiði.